



Arkivnr: 2015/11453-140  
Saksbehandlar: Adeline Berntsen Landro

## Saksframlegg

### Saksgang

Utval	Saknr.	Møtedato
Valnemnda		02.10.2018
Fylkestinget		02.10.2018

## Nytt val av medlemar til styret for Fagskolen i Hordaland

### Samandrag

Med bakgrunn i ny fagskulelov av 01.06.2018 er det naudsynt å endre samansetninga i styret for Fagskolen i Hordaland og tilhøyrande styrevedtekter. Eiga sak om endring av vedtekter for styret for Fagskolen i Hordaland vert lagt fram for fylkestinget i møte 02.10.2018. I den nye fagskulelova er det mellom anna bestemt at styret for fagskular skal ha to nærings- og arbeidslivsrepresentantar med minimum éin vara. Styret for Fagskolen i Hordaland har ikkje dette per i dag. Jf. ny fagskulelov vert følgjande samansetning av styret føreslått i eiga sak til fylkestinget, og forslag til representantar i denne saka er basert på dette:

- 1) Styret vert oppnemnt av fylkestinget og skal ha sju medlemar. Jf. fagskulelova § 10 første ledd skal to av medlemane ha bakgrunn frå relevant arbeids- eller næringsliv; minst ein medlem skal vere valt av og blant dei tilsette, og minst ein medlem skal vere valt av og blant studentane. Det skal veljast personlege varamedlemar for medlemane som er valt av dei tilsette og studentane. Det skal vere minst ein varamedlem for medlemane frå arbeids- eller næringsliv, og minst ein varamedlem for dei andre medlemane.
- 2) Fylkestinget vel leiar og nestleiar, eigarrepresentantar og arbeids- eller næringslivsrepresentantar. Eigarrepresentantar og arbeids- eller næringslivsrepresentantar vert valde for fire år og følgjer valperioden til fylkestinget. Tilsettrepresentant vert valt for to år, og studentrepresentant vert valt for eitt år. Styremedlemar kan veljast igjen.
- 3) Ved val av styremedlemar gjeld likestillings- og diskrimineringslova § 28 innan den einskilde valkrets.
- 4) Styret for Fagskolen i Hordaland skal ha følgjande samansetning:
  - a) Tre representantar frå det regionale folkevalde nivået, der éin representant vert valt frå utval for opplæring og helse og éin representant frå utval for kultur, idrett og regional utvikling, og med to varamedlemar.
  - b) To representantar frå relevant arbeids- og næringsliv med ein varamedlem.
  - c) Éin representant frå dei tilsette ved Fagskolen i Hordaland med éin personleg vara.
  - d) Éin representant frå studentane ved Fagskolen i Hordaland med éin personleg vara.

**Økonomi:** Ingen kjent effekt.

**Klima:** Ingen kjent effekt.

**Folkehelse:** Ingen kjent effekt.

**Regional planstrategi:** Ingen kjent effekt.

### **Forslag til innstilling**

1. Fylkestinget gjer slike val av medlemar og varamedlemar som representerer regionalt arbeidsliv til styret for Fagskolen i Hordaland:

#### **Forslag frå fylkesrådmannen til valnemnda på medlemar (arbeidslivsrepresentantar)**

1. Anne Mette Koch (arbeidslivsrepresentant)
2. Trond Sanne Haga (arbeidslivsrepresentant)

#### **Varamedlem**

1. Aslaug Hellesøy (arbeidslivsrepresentant)

2. Fylkestinget gjer slike val av medlemar og varamedlemar etter innstilling frå valnemnda:

#### **Medlemar (eigarrepresentantar)**

- 1.
- 2.
- 3.

#### **Varamedlemar**

- 1.
- 2.

3. Fylkestinget vel etter innstilling frå valnemnda følgjande som:  
Leiar:  
Nestleiar:
4. Representantar for tilsette og studentar vert valt i tråd med vedtektene for styret for Fagskolen i Hordaland (§ 1-2).

Ingrid Kristine Holm Svendsen  
kst. fylkesrådmann

Svein Leidulf Heggheim  
fylkesdirektør opplæring

*Saksframlegget er godkjent elektronisk og har derfor inga underskrift.*

#### Vedlegg

- 1 Styrevedtekter av 230217
- 2 Utkast til nye styrevedtekter

**Fylkesrådmannen, 24.08.2018**

Med bakgrunn i ny fagskulelov av 01.06.2018 er det naudsynt å endre samansetninga i styret for Fagskolen i Hordaland og tilhøyrande styrevedtekter. Eiga sak om endring av vedtekter for styret for Fagskolen i Hordaland vert lagt fram for fylkestinget i møte 02.10.2018.

Den nye lova; «Lov om høgere yrkesfaglig utdanning» (fagskulelova) er vesentleg endra i struktur og innhald. Til dømes vert styret sitt ansvar for fagskuleutdanning omtala i meir detalj enn før, og krava til samansetninga av styret er endra.

### Styret for Fagskolen i Hordaland i dag

Styret for Fagskolen i Hordaland har fram til no hatt følgjande samansetning jf. vedtektene av 23.02.2017:

Styret for Fagskolane i Hordaland har sju medlemar. Fem medlemar, med to varamedlemar, blir valde av fylkestinget. Tilsette og studentar har éin representant kvar med personleg vara. Tilsett- og studentrepresentant har møte-, tale-, forslags- og stemmerett, og er fullverdige medlemar av styret.

Fylkestinget nemner opp eigarrepresentantane i styret og mellom dei leiar og nestleiar. Tilsette og studentrepresentant med personleg varamedlem blir vald av og mellom dei tilsette og studentane. Eigarrepresentantane blir valde for fire år, tilsettere representantane blir valde for to år og studentrepresentantane for eitt år om gongen.

Dagens medlemar er som følgjer:

Medlem	Stilling	Vald av:
Roald Kvamme (A)	Leiar	Fylkestinget
Alexander Fosse Andersen (SP)	Nestleiar	Fylkestinget
John Helge Gullaksen (FL H/V)	Medlem	Fylkestinget
Rosalind Fosse (FL FRP/MDG)	Medlem	Fylkestinget
Aslaug Hellesøy (FL KRF/R/SV)	Medlem	Fylkestinget
Trude Amundsen (tilsettrepresentant)	Medlem	Tilsette ved fagskulen
Thomas Rimme (studentrepresentant)	Medlem	Studentar ved fagskulen

### Samansetning i styret etter fagskulelova av 01.06.2018

Den nye fagskulelova § 10 seier følgjande om styret si samansetning:

#### «§ 10. Styrets sammensetning

Styret skal ha minst sju medlemmer. Minst to medlemmer skal ha bakgrunn fra relevant arbeids- eller næringsliv. Minst ett medlem skal være valgt av og blant de ansatte, og minst ett medlem skal være valgt av og blant studentene. Hvis styret har mer enn ti medlemmer, skal minst to medlemmer være valgt av og blant studentene og minst to av og blant de ansatte. Det skal velges personlig varamedlem for medlemmene valgt av de ansatte og studentene. Det skal være minst ett varamedlem for medlemmene fra arbeids- eller næringsliv, og minst ett varamedlem for de øvrige medlemmene. Eier utpeker selv, eller fastsetter hvem som skal utpeke, styrets leder.

Ved valg av styremedlemmer gjelder likestillings- og diskrimineringsloven § 28 innen den enkelte valgkrets.

Styremedlemmene og varamedlemmene velges for inntil fire år. Styremedlemmer og varamedlemmer som velges av og blant studentene, velges for ett år. Styremedlemmer og varamedlemmer kan gjenvelges.»

Tidlegare var det mellom anna ikkje krav til representantar frå relevant arbeids- og næringsliv, og det var ikkje krav til at student- og tilsettrepresentant var fullverdige medlemar, men at dei hadde møte-, tale-, og forslagsrett i saker som vedkjem gjennomføringa av fagskuleutdanningane.

### **Nye vedtekter for styret for Fagskolen i Hordaland**

Som nemnt vert det lagt fram eiga sak om reviderte styrevedtekter for fylkestinget etter endring av fagskulelova, og følgjande reglar for samansetning og oppnemning av styret vert føreslått:

#### **§ 1-2 Samansetning og oppnemning av styret**

- 1) Styret vert oppnemnt av fylkestinget og skal ha sju medlemar. Jf. fagskulelova § 10 første ledd skal to av medlemane ha bakgrunn frå relevant arbeids- eller næringsliv; minst ein medlem skal vere valt av og blant dei tilsette, og minst ein medlem skal vere valt av og blant studentane. Det skal veljast personlege varamedlemar for medlemane som er valt av dei tilsette og studentane. Det skal vere minst ein varamedlem for medlemane frå arbeids- eller næringsliv, og minst ein varamedlem for dei andre medlemane.
- 2) Fylkestinget vel leiar og nestleiar, eigarrepresentantar og arbeids- eller næringslivsrepresentantar. Eigarrepresentantar og arbeids- eller næringslivsrepresentantar vert valde for fire år, og følgjer valperioden til fylkestinget. Tilsettrepresentant vert valt for to år, og studentrepresentant vert valt for eitt år. Styremedlemar kan veljast igjen.
- 3) Ved val av styremedlemar gjeld likestillings- og diskrimineringslova § 28 innan den einskilde valkrets.
- 4) Styret for Fagskolen i Hordaland skal ha følgjande samansetning:
  - a) Tre representantar frå det regionale folkevalde nivået, der éin representant vert valt frå utval for opplæring og helse, og éin representant frå utval for kultur, idrett og regional utvikling, og med to varamedlemar.
  - b) To representantar frå relevant arbeids- og næringsliv med ein varamedlem.
  - c) Éin representant frå dei tilsette ved Fagskolen i Hordaland med éin personleg vara.
  - d) Éin representant frå studentane ved Fagskolen i Hordaland med éin personleg vara.

Vedtekter av 23.02.2017 og utkast til reviderte vedtekter ligg som vedlegg til saka.

Med bakgrunn i ny fagskulelov vil fylkesrådmannen tilrå at arbeids- og næringslivsrepresentantane vert valt ut i frå deira tilknytning til regionalt næringsliv i Hordaland og kva kompetanse det er ønskjeleg at styret skal ha i høve til vidare utvikling av Fagskolen i Hordaland. Fagskolen har mellom anna eit utviklingspotensial innan helse og marine fag, i tillegg til vidare utvikling innan tekniske og maritime fag. På bakgrunn av dette vil fylkesrådmannen tilrå følgjande representantar med arbeids- og næringslivsbakgrunn til styret:

#### Anne Mette Koch

Konstituert seksjonsleiar ved Haukeland universitetssjukehus, Fou-avd., seksjon for fag og utdanning. Koch er utdanna sjukepleiar frå Haukeland sykepleieskole i 1978, og har etter det hovudsakeleg arbeid i ulike stillingar ved Haukeland universitetssjukehus. Ho har også i nokre periodar vore tilknytt Høgskulen på Vestlandet (Høgskolen i Bergen). Koch har vidareutdanning både innan leiing, fag og forskning og avla sin PhD ved det Medisinske fakultet i 2016.

Koch har sidan 2006 arbeidd i Forsking og utviklingsavdelinga, seksjon for fag og utdanning som spesialrådgjevar og sidan hausten 2017 vore konstituert som seksjonsleiar. I FoU-avdelinga har ho arbeidd lokalt, regionalt og nasjonalt med kompetanseutvikling og oppgåver knytt til utdanningsfeltet. Koch har vidare god kjennskap til fagskuleutdanning og var mellom anna involvert i oppstart av fagskuleutdanning innan spesialreinhald ved tidlegare Fusa fagskule. Gjennom Koch si noverande stilling deltek ho i ei rekke råd og utval som kan vere relevante i høve til styrearbeid for Fagskolen i Hordaland, mellom anna i faggruppa til «Kunnskapskommunen» i Bergen kommune, Styringsgruppa til Senter for omsorgsforsking Vest og Kompetanseforum Hordaland.

#### Trond Sanne Haga

Senior Manager, Kværner Stord.

Haga er PhD frå Institutt for industriell økonomi og teknologiledelse ved NTNU innan Bedriftsadministrasjon. Haga har lenge vore interessert i opplæring og utdanning, og før han starta i Kværner, har han arbeidd fleire år i IRIS som forskar og forskningssjef, og i SEFOS som forskar innan utdanningsforskning med fokus på yrkesopplæringa. Haga har også arbeidd som lærar i Lyngen kommune.

Haga har vore tilsett i Kværner i til saman 19 år, og er for tida leiar for fleire utviklingsprosjekt som til dømes eit fireårig utviklingsprosjekt med støtte frå Forskingsrådet gjennom BIA-programmet (Brukerstyrt innovasjonsarena), og tre digitaliseringsinitiativ. Haga har også ansvar for å følgje opp vidareutviklinga av Stordmodellen (frå fagmann til ingeniør), der Fagskolen i Hordaland saman med Høgskulen på Vestlandet, er ein sentral aktør.

Dei siste 11 åra har Haga hatt fleire ulike stillingar som til dømes HR-leiar på Gjøa, HMS-leiar på DCR Mongstad, ulike posisjonar i Nyhamna-prosjektet, Senior Vice President HR i Kværner og leiar for fleire utviklingsaktivitetar.

#### Aslaug Hellesøy

Avdelingsleiar, Kvinnherad kommune, avdeling for demenssjukdomar.

Hellesøy er utdanna sjukepleiar med tilleggsutdanning, og arbeider i dag som avdelingsleiar i Kvinnherad kommune. Hellesøy har vore medlem av styret for Fagskolen i Hordaland i to valperiodar som eigarrepresentant (KrF), og er no inne i den tredje valperioden som ekstern representant. Hellesøy har engasjert seg i fagskulane i Hordaland og spesielt innanfor helsefag. Vidare har ho gjennom sitt styreverv vore med på den store utviklinga i fagskulesektoren dei siste åra, både i høve til lov- og rammeverk, men også i høve til organisering i Hordaland.